

CARNEVALSSLAGER OET 'T MOEËRELANDJ

Wies:
Wij zijn de jongens van
plezier.

Refrein:

In Ell is't noe weer carneval,
Det konste waal merke,
Ze doon weer as de verke.
Make op tied weer veul plezeer,
En den die vriegezelle zeen auch neet geer.

As d'jer neet gaotj,
den mootj der het laote,
As d'jer neet wiltj,
den blieftj d'jer mer toos
As d'jer neet kontj,
den gein gezanik,
Krieg d'jer waal spiot,
den gaotj nog van hoees


We wete 't nog goot,
van al die jaore,
det 't in Ell
toch altiëed geit.
As de moeërebuuk mer drinke,
is de raad altied bereidj.

Refrein.

Komdjer bie Nol,
den zeet d'jer ze zitte.
Kom d'jer bie Palme,
den zeet d'jer ze staon.
Hooftj ge verder
niks te vraoge,
Want ze hōbbe
de groeaste lol.

En de prins
is weer gekoze,
ja o, det hōbbe ze weer gedaon.
En noe zulle we
mer weer hope,
det 't zoea geit
as veurig jaor.

Refrein.



Moeërebuuk en Moeërinnekes,


Het is alweer versjillendje jaore geleje, dèt in oos dörp de gezèt van ne Moeërebuuk is versjene.

We hubbe met versjillendje man de köp bieëingestoke en geprobeertj zinvolle mèt auch veul onzinvolle knauwel bieëin te knauwele.

We hope, dèt d'jer der flink om zultj konne lache en alles sportief zultj opvatte

Wè winse eug cine plezoeerige vastelaoventj en tot volgend jaor

Redactie "De Wauwelèirs.



Moeëre en Moeërinnekes,

Noe de karnavalsgezèt "De Kwakel" 3 jaor gesjitterd heet door aafwezigheid, bin ich blie dèt dit jaor weer ei aantal rasechte Moeëre het aangedurftj hōbbe, om weer met dit blaad te versjiene. Ich hoop den auch, dèt de "Kwakel" 1971 ei groët succes maag wère.

Det ongervinjing wete wè dèt dit blaad weer eder jaor mèt veul plezeer en gelach gelèze weurtj.

Ich wins den auch alle Moeërebuuk en Moeërinnekes dit jaor veul kwakelplezeer, mèt auch veul plezeer met bore-prinsebal en ne vastelaovendaag.

Dootj allemaol weer met (auch met de optocht), den weit ich zeker det vastelaoventj in oos eige dörpin 1971 weer veur 100% zal slage, waat ich euch op de eiste plaats toewins.

Vorst Wiel

Alaaf!!!!!!!!!!!!

P.S. Ich wil bie deze auch nog alle minse bedanke die dit blaad gesteuntj hōbbe mèt ein advertentie, en verder aucg nog ederein dè ei laedje heet gemaaktj. Zeet d'jer dit jaor neet in ne prieze gevalle, den probeertj het volgentj jaor nog ins.

MOEËREBUUK EN MOEËREBUUKSKES.

As prins van ne Moeërebuuk maag ich euch allemaol bedanke veur de gooi mètwerking aan ne vastelaaventj 1970.

Ei speciaal woord van dank aan alle minse, die mètgeholpe hubbe aan ne opbouw van ne optocht.

Dè waas weer prima geslaagtj.

Ich hoop dèt der nog dèk eine optocht door oos Moeërelandj kan trekke. Het opschrift oet dè optocht: "Prins zeen is good, mer ocherm zien bagge", veel zeker in ne smaak.

Nog ei speciaal woord van dank aan ne Prinsekapel en ne leden van ne Raod van Elf veur de prettige metwerking van het afgelopen jaor.

Ich hoop dèt de Moeërebuuk nog lang moge blieve bestaon en wins de noewe prins 1971 veul succes.

Moeërebuuk alaaf, karnaval vere wè good en braaf!!!!

Prins Tjeu III.



14 februari; Prinsenbal

21 februari: Vastelaoveszônjig: Op deze daag weurtj der auch gêt georganiseertj

veur de kleuters en de sjoecalgaondje jeugd.

Het Comité K.V.W. heet in sawirking met de raad ein toneilgroep oetgeneudigtj om hie de

kinjer te kome amuzere. Tied en verder

bezunerhede wêre nader bekintjgemaaktj.

22 februari: Vastelaoventjônndig: On twèi oor optocht. Daonao gaon we in ne

zaal en ne café's gewôn verder.

23 februari: Vastelaoventjdinsdig: 's môrges om 10 ore jeugddanse veur de


sjoecalvrie jeugd.

De rest van ne daag verluptj hopelijk wie an-
ger jaore.



WE WINSE EUG ALLEMAOL

VEUL PLEZEER!!



WISTJER AL DET????????????????????

- Dèt dit gezetje neet deur is,
- Dèt de bagge van de ôje prins 't good gedaon hêbbe,
- Dètter minse zeen, die kwaod zeën op Sinterklaos,
- Dètter minse zaat wère van sherry en angere van beer,
- Dèt ze der Jantje gein make,
- Dèt 't noe kleidlokaal van R.K.E.S.V. al gebroektj wèrdje veur dèt 't klaor was (veural 's nachts),
- Dèt de leiders en leidsters van 't kindjervekantiewerk allemaol zès guldje per oor verdene?? (ze hubbe de ore waal nog neet bie-ein geteljt),
- Dèt in Ell mit asgoonsdig de twelf apostele heure rondjgank haoje,
- Dètter altied minse zeen die nog meine dèt de raod van heur sente zuuptj,
- Dètter in Ell eine getrouwdje mins is van 28 jaor en nog steeds neet vader.
- Dèt de anti-sex pater in hoeager beroep is gegange,
- Dètter in Ell inmiddels auch ein sexstraat is gekome,
- En dèt de pater noeë misschiens waal es eine kieër nao Ell kumtj.
- Dètter in Ell eder jaor staon te kankere langs de weeg mèt de optocht, en zelf neet 's wete hoea detter in heur buurt wages wère gemaaktj, (weem de sjoon pasjt, vèltj neet ver vanne boum).
- Dètter in Ell weer eine meister vanne straat aaf is,
- Dèt dikke Pieër tegeswoordig neet mieër drinktj, (Hê zuuptj noeë),
- Dètter supporters zeen die op ein voetbaltoernooj zègge: Ich hoop dèt ze verleze, den kinne we teminste heivers gaon,
- Dèt Palmelei 't drûk heet mèt ziene bouw,
- Dèt we inne kirk eine solozanger hubbe,
- Dèt we in Ell auch mèt ein jongere mès beginne,
- Dèt 't altied de zelfdje zeen die oet de café gehoordj móte wère, as de aof van dage op stap gaon,
- Dètter minse zeen, die presies wete wieveul glaze beer de raod zuuptj mèt de vastelaovendj,
- Dèt 't bèter is om ein half glaas beer te hebbe, den ein leeg portemenee,
- Dètter vissers zeen die ein ganse snee mik ane haok doon en zich den nog verwonjere dèt de visse neet bieete,
- Dèt zolmes Mie sekretares is vanne kienklup en dèt ze volges de lêste berichte heur werk hieel noukeurig duit,
- Dèt 't kinjervekantiewerk good geslaagd is,
- Dètter vrouldje vanne gim zeen, die s flot heivers woeje via binne weegskes,
- Dètter bestuurslede zeen die good hollans kinne kalle.
- Dètter in Ell peude-deukers en auto-blutsers zeen,
- Dèt Lowie en Jan same vieftig jaor gevoetbaldj hubbe,
- Dètter in Ell vriegezelle rondj loupe, die der niks be-e-e-e-j hove,
- Dèt eine angere mins rondjluiptj dê 100.000 oppe bank heet, mer de rék nog neet betaaltj,
- Dèt de Eller zich met Halerkirmus bieestig gedrage hubbe,
- Dètter noe oppe volgendje bladzie weer wiejer kintj lêze!!!!

- Detter op dé zelfdje halerkir-
mus auch eine jong waas dé
hieel verstandjig wêrdje toen
zie mooder binne kwaam (zood se
auch neet ???????),
- Dèt Jo vanne Bekker eine goje
knecht heet,
- Dèt ze inne zaal eine oetsmieeter
nuedig hubbe,
- Dèt zoeff en ziene koppel
midde-limburg onveilig make,
- Dèt de borekapel noew uniforme
kriegtj,
- Dèt der in Ell minse zeen die
veul zeivere,
- Dèt R.K.E.S.V. kampioen is
gewore, mer det heure fotograaf
lang oppe foto's lietj wachte,
- Dèt allein de zoeplep de reseps-
sies afloupe,
- Dèt minse van Ell in maaseik
oom damesongergoot gaon,
- Dèt in Ell veul oetsjaalders
zeen,
- Dèt men nao ein oor in Remunj nao
de nachtklups geit, omdet men
dinktj det ze dao eine biljaar
hubbe,
- Dèt de handjboog dit jaor de hoeeg-
ste ieer neet heet kinne hole,
- Dèt volgendj jaor alweer ei
kampveur kumtj (met mieer
brandjstof),
- Dèt der s nachts aaf en toe
wildj-west is in Ell,
- Dèt 't vleis in Ell op 't
sjuttersfiest deur waas,
- Detter in Ell nachtrave woene,
- Dèt Albêf friet meuktj van
érpel,
- Mer dèt Alber auch de meiste
doeve heet,
- Dèt Bert en Sjaak same nao
deenst ginge,
- Dèt de fundamente van het
kleidlokaal vanne voetbalklup
met veul "vocht" gestordj zeen,
- Dèt Lemmelei zien sokerkrotte
sloope met werm wêr,
- Dèt de be-e-ey 't zelf mot wete,
- Dèt 't gevrie achtere kirk bin-
nekort aafgeloupe is.
- Det der minse zeen, die zich
door eine stior laote besjote,
en det angere daomet môte lache
- Det d'jer bovenaan wiejer môtj
leze.....

Det somige bède 't neet mieer
hoje as ter al twie man in liggen
en der zich den nog eine derdje op
zetj,
-Det de borekapel noeadgedwonge
ein stuk krotte moot zette,
-Det de redaksie van de kwakei op
carnevalsdinsdig , 'smûrges
tûsse tieen en elf, bie Palme
zitj, om eventueel minse oetlêk
te gêve euver heur blad.
-Det uch done redaksie eine plezerige
vastelaovendj wêrdj toegewinsjt!!!!



Veur alle vrachtverveur
nao



LEON PIET FRANS KESSELS

Veur alle geldzake...

BOERENLEENBANK



8.

"ELL/KELPEN/OLER"

Geopendj van 9-12 en 2-4 oor
frieses van 9-12 en 2-7 oor



Het adres veur
dorstige minso
CAFE "DE PRAIRIE"

Huidconsulente

Istrilene Cosmetics

Mevr. Stienen- Raetsen



ELL

Veur lekker verse champignons
noot d'jer zeen bie

CHAMPIONKWEKERIE "ELIASTER"

Jo Koolen.



Alle VIVO-artiekeley,




ei lekker stuk flaaï, **deelt**
milk en broät **DE LAKENS**

ware euch bezörgtj door **uit!**

Gebroeders Koolen ELL.

Wildjer eug met de vastelaovend ins
good amusere, gaotj den mins nao de
hieil verbouwdje en gemoderniseerdje
café en zèelke bie PALME kieke.



Veur veul plezeer en verteer,

Bie Palme vindjer det weer.

Höb d'jer get te grave,
vraogtj Win efkes.

Grontjwerke

Win Hindrix.



Zin in friet,

ein eike,

ein tricandel,

Bèr Knapen.



??

Veur ei noe pak

of ein noe cravat,



Herenmode


J. van de Ven

Mot eur pèrt beslage were,
of höb d'jer get waat gelastj mot were,
Teun zuut euch gèr kome.

Smederij A. Cuypers-Fermans.



We bringe euch alles aan hoes,
mer in ne winkel kon d'jer auch terecht.



Home-service Fr. Timmermans Enkabè

Mot ter get gestoantj were?

Alber köntj het waal efkes ophole.

Van Nisselroy

Bèr Knapen.



De kerst van ein aod wagentje...

Ich bin ei wagentje, minstens tein jaor aod, van rooeje en zwarte lak veurzeen en sins de aafgeloupe kersdaag in eine der-gelijke staot det alles aan mich kreuntj en rammeltj as eemes probeertj mich in beweging te krieger. Veur de tied waas ich auch neet bepaoltj ei pronkstuk, mer veur eine geweuene jong oet Ell toch goot genog, om hum van hoes oet nao de café's te bringe. Mer met de kerst is het ei bitje te gek gewore!!! Oet protest hub den auch de hulp van de polisie ingerope en die hubbe der toen veur gezörgdj det ich ei paar daag rust kreeg. Mèr wie det zo wiet is gekomme zal ich eug ins efkes vertelle.

Kerstnacht haai ich het hiël rustig gehatj. Ich haai good geslaope en gedroumdj det ich met dees daag ins hiël kalm en netjes behanjeltj zoëj were. Miene baas woëj auch ei goot werk doon met Kerstmis en kwaam 's meurges rontj tein ore zoëo recht op mich aafloupe, as ich zeldje haaj gezeen. Hè reej hiël rustig en ich dacht al aan eiene rustige zoje gaag. Ich kwaam weer töt de wirkelijkheid treuk toen der mich met mien rechteroug in ne hék duwdje, miene moter aafzat, de deur toekladsdje en get sting te vloke detet zoë kaod waas. De mes doordje nogal lang en ich veel der bie in slaop. Toen ich door get gefriemel aan mich wakker werdje, waas het al weer donkel. Ich heurdje det auch nog eine angere snaak in ne wage zaat. Waat ze allemaol te zeivere haaje wist ich neet, mèr ich heurdje toch aan heur taal det ze al versjillendje kiëire de boom van heur beerglaas haaje gezeen. Ze zote mèr te snatere en de koppel van miene baas zagt dek: "Mich make ze der gein!"


Enfin, nao veul gestommel wèr dje der ene graote kertboom in miene bak geduutj. Dè stook mich van alle kenj, mèr as erme auto hub se nog niks met te beslasse! Ze moste nao de anger café in Ell, mèr om de ein of anger reje werdje euver Tungelder omgevare. Op de slechte keiweeg veuldje ich bie eder kuulke de dennenaoldje mich stèke. Het is missjien ei geluke gewèestj det ich dao zo op ledje, want as ich veur mich haaj gekeke, waas mich mesjien de moter van sjrik aaf en toe stil blieve staon. Bie die anger café kost ich neet lang stil blieve staon want ei paar minuute later most ich weer truk nao de eierste. De baas most dao nl. nog ei buske sneie hole. Weer neet lang daonao kwaam de maod van miene baas terug en bromdje gèt det der mich alvast zoëej dreie. Hè kroop achter mie steur en ging zou roew mèt mich om det ich al direk dacht: "Dè mot ich daliik ins klaoëte!" Nao veul geharrewar kreeg der mich eindelijk op gank. Hè reej ei stuk-ske en probeerdje toen in ein zie-straat te dreije. Dao zaag ich mien kans sjaon en leet mich neet in ne achteroet zette. Wie der auch melkdje en trocht; ich leet mich neet in ne achteroet zette. Oeteindelijk besloot hè toen mèr om efkes door te rieje en bie ein boorderie om het bakkus te dreije. Ich kost aan alles merke det der nogal giftig waas en wie lieilker det he deej, wie lieilker ich truk deej!. Miene sjofeur dreidje de hoof op, mèr ich haaj allang gezeen det achter det bakkus eine noewe auto stong. Door det gemelk aan mich waas ich zo kwaot det ich dacht: "Noe is het mich lang genog; der tege aan." En wie de sjofeur auch dreijdje aan et steur.... het ging der tegenop. Ich dacht bie michzelf: "Ich bin waal good, mèr neet gek; ich læt mich neet mishanjele!" Wie det ich achter tege de wage op-zaat, kreeg ich alweer hiël get

beter zin. (ich dacht auch aan ne spreuk "mich make ze der gein")
 De sjrik sloog mich echter weer om het hert wie ich merkdje dèt hè der tussenoet waoj gaon. Mèr wie ich hum de eëirste keëir bie de naas haai gehadj, zoeë haai ich der hum auch noe weer bie. Hè vreudje gèt aan ne versnelling, ich deci net of ich in ne achteroet stông... mèr stiekum haai ich mich weer in ne veuroet gezatte!! Hè gaaf gaas en mèr tege dè noewe wage op. Ongertusse waas de hiëel familie nao boete gekomme. der volg-dje ei gesprok woëe het gegodver en gegodvertj.... neet zeldje in veur kwaam. Oeteindelijk stapdje dè jong woëe dèt dè noewe wage van waas achter mien steur en ich leet mich toen hiëel gewillig in ne achteroet zette en trukbringe nao de café. (as se mich mèr netjes behanjelo doon ich auch gein vleege kwaad) De rest van dè daag is der weinig mèt mich gebeurtj, mèr as veur edere vloek eine em 2 lak van mich aaf waas gevalle, don haai ich hiëel zeker van dèt spul niks miëer op mich zitte. De twiëedje kerstdaag verleep hiëel rustig. Ich kreeg allein ei paar deuke om dèt de baas zuver tege mich opveel. Auch de derdje kerstdaag begos goot Echter wie later dèt et werdje wie lèstiger dèt ich het weer kreeg. Dèt begos mich weer zou de keëel oet te hange dèt ich dacht noe mos se kostj waat kostj ins eine tied rust hubbe. Rontj' middernacht, toen ich op ein waggelendje maneer op het kruispuntj aangesteurtj wèerdje zaag ich mien kans sjoëen! Op het plein sting de plisiewage ich zwinkdje ei paar kiëer nao links en nao rechts zoëdèt de plisemen dèt good zoje zeen en ging toen door. Het hoofdje echter neet wiet miëer, want efkes wiejer kwaam de plisie al. Miene baas en ziene moste allebei in het buske en efkes later mocht miene baas ein staske euver re weeg loupe. Wie het verder aaf is geloupe weit ich neet mèr ich hub mich twëei daag good kinne oetruste!!!!!!!

Wè redde het waal,
 as ederein mèr mèthulptj!!!!


Wie d'jer allemaol motj toegève,
 leet de aafwirking van ne wages de lèste jaore te winse cuver.
 As d'jer ins in Hunsel zeetj gewèstj kieke in ne aafgeloupe jaore,
 weitj er dèt ze ongertusse bine botere optocht hubbe as wè!!!!
 Dèt konne en moge wè der toch neet bie laote zitte!!!!????????????
 Laotj os same nog eins probere om dao gèt aan te doon
 Bie dees neuje wè neet allein de manslu luuj oet op pe vergaderinge, mèr auch de vrouldjer.
 Wè hope dèt d'jer euch nog eins van eure gooje kantj laotj kieke
 Wieniër de vergaderinge zeen en wou, heur d'jer nog.
 Waat is de vantelaoventj noe zonger op tocht???????

De Redaktie.




Voor tuinaanlèk en aafsjeiing;
 Conifere en struuk,
 koup rechtstreeks van ne kweker; veul bèterkoup!!!

G. Moors
 Hoogstraat 20
 Ell.



Chrijeler
 Autobedrief
 Simca

J. Heber- Verwielen
 Sebastiaanstraat 30
 Ell
 Tel. 04955-209




Bericht van 'en waorzekster:

Op vriedig 26 februari zal in Ell in ne kirk ei groëet ongeluk gebeure. Ein zeker lid van ne raad van Ell zal door onveurzichtigheid onger de slôf gerake.... Ein tragische bezunjerheid zal zeen Dêt de heil familie der beij aanwezig zal zeen, mër gein hantj zal konne oetstêke om det te veurkomme...

Veur ein broesloft of ein anger familiefeistje zêtj Richard euch vlot ein tent aan hoes niëer.

Tentenverhuur Richard Knapen




Flexa Flexa Flexa

Veur verf behang en poetsartickelen Borstels en good sjilderwerk nao



H. Maessen en Zoon Ell



Dè wèkker.....



Eine vriegezêl van Ell kreeg van Sinterklaos eine noewe wèkker omdat der altied vreug op met. Het nootlot wou dat der zich twee maol op riej versleep. Gevolg: Mam kost dè noewe wèkker in ne mooshoof gaon zeuke.....


Ein gooje raad veur alle Ellers minse die veur te rouke get bezunjers winse Veur te knippe, kort of lank, môtj der richte hierher eure gang. Auch veur foto's en parfumerieë gôtj nao

Hiëere en Dameskapsalon

Verboeket




Ell.



Höb d'jer het drök en kon d'jer het werk op pe boorderie neet allein aafkriege, kiekjtj ins oet nao Pietje, Ejeu, Bër of Sjaak. Die zeen altied paraat

Werkstuigen




Ell.

Sjamer




Vader tege ziene zoon(4jaor): "Peter, gank nao achter, sjaam se dich neet?" Peter: "Waat sjame, doe best zelf sjame!"




Veur: MANUFACTUREN, KRUIDENIERSWAREN, en anger GALANTERIEEN nao

H.L.Streutjens Sebastiaanstraat 32 Ell




Koopt, toch in de vreemde niet, Wat uw eigen dorp u biedt! Uw adres voor Meubelen, Bouwwerk en Woninginrichting:

Firma Beuskons




Ell




Appelflappe:

"Os Mie haai gisteraoventj appelflappe gemaaktj omdat Cor vandaag jaorig is en det most geveertj wëre. Mër vannourge nos ich de verkes vore en met miene zate kop mëndje ich det det aafval waas Ich gooëdje de hieël rotzooi in ne verkesummer, deei der get heit water bicë en get verkesmëel. De verkes höbbe heure troog nog mooët zou flot leeggevrète! Os Mie waas der echter neet erg euver te spröke!!!!!!"



Die bagge toch.....

Dao waas ins ei echtpaar dèt ein boorderie haaj. Dè mins wirkdje altied hel en as einigste ontspanning haaj der de sjutterie. Hè waas ei hièl good lid; hè waas altied aanwezig as der gèt gedaon môst wêre en hè waas auch eine goje sjutter. Mèr dao waas ei nao-deil aan ne sjutterie. Nao aafloop van eder aktiviteit werdje der altied nao het clublokaal gegaan en werdjer der dao ei paar gedronke. Het kwaam den nogal eins veur, det dè mins in "kinnelijke staot thoeskwaam. De vrouw vonj det hièl erg en ging nao de pestooër om raad vraoge. "Ho," zag de pestooër, "maak dich dao mer gein zurg cuver det knap ich waal efkes op." Ein paar daag later ging pestooër nao die boorderie en zaag det dao net ein zoog gebaktj haai, mèr det die bagge neet woëje zoeko. Pestooër ging nao dè boor en verteldje dèt zien vrouw cuver det op stap gaon met de sjutterie niks te sprèke waas. Naodet hè ziene preck haai afgestoke ging der vol plezèer nao binne nao de vrouw. "Hè," zeet der, "ich hób det cuver det op stap gaon met de sjutterie van diene mins waal efkes geregeltj. Dao cuver hoefs se dich gein zörg meir te make!" Hè dronk zich nog eine borrel, rooëkje zich nog ein sigaar en stook der zich nog ein in ne tes veur later en vertrocht. Wie det der wogging ging der eëirst eirst nog ins kiekte bie die bagge en tot zien verwonjering, zaag der, det die noe waal dronke! "Oh," zeet der toge dè boor, "ich zeen det ze ze lid hóbst gemaaktj van ne sjutterie". "Nè pestooër", zeet de boor, "ich hób ze net de kruun gesjore".



TELEFOONTJE

Telefoneerder: "hób se auch verkes-puuetjes?"
 Slechter : "Jao"
 Telefoneerder: "Dèn zul se waal ongemèkclijk loupe!"

Veur alle sootte vleis en waat der 19.
 òmhèr hingtj, mootj der zeenie:




Slechter H. Heijkers-Briels
 Sebastiaanstraat 19
 Ell
 Tel. 04955-242



Wil d'jer ins danso of krieg d'jer dorst, lauptj dèn ins binne in

De Ellonazaal van oos Mocöerlandj;

Gezellig ist dèr altied!!!




Veur hōnder- en verkesvoor;
 veur kuuj-en kōverbrukskes;
 veur kali en anger kunstst;


L.L.T.B.




Ell



Hub d'jer gèt aan ne lektris of aan nè waterleiding;
 trouwes auch veur huishoudelijke en elektriske artickelen kon d'jer terecht bie




Jan/Mia van Govaerts
 Sebastiaanstraat
 Ell.



Veur noe-sjoon en veur sloffe auch veur eur lapwerk nao


Sjoemèkers-Sjaak



Hub d'jer ins ein reis of moot d'jer mèt ein ganse klick oet, laotj euch vare door

Bèrke Bongers

Kuypers NV.



As je mèr lol hedj.....

In Amerika is 't toch zoea good

Jan en Piet, allebei songer werk, komme d'ein en d'anger tege oppe straot en Jan zeet tege Piet: "Ich blief hie neet, ich gaon nao Amerika".

"Is 't dao den zoe good?", vreugjt Piet verwonjertj.

"En of..." zeet Jan "De wirkman is dao emes woea ze respekt veur hêbbe. Ich zal dich ein veurbielddj gêve. Ein bedrief woea doezendj minse wirke 'S aoves om vief oor bisse klaor met dien werk, den kumpse boete en der steit eine groeate auto veure deur. De direkteur zitj drin en zeet tege dich: "Stap in .Den geise nêve hum zitte, en dê zeet: "Dit Weekend num ich dich mêt oeat." en den numtjer dich met oeat nao ein of anger prachtige klub aan ziea, mêt ein eige zwumbad palmbuim, de sjoeanste kamers en 't lekkerste ête.

'S mûrges kumtj dê zelfdje direkteur, dê doezendj man in deenst heet, dich 't ontbiet op bêd bringe. Meuk se det hiee in Hollandj Mêt?? Ongelukkig kiektj Piet noa Jan en zeet: "Hebse det den mêt gemaaktj in Amerika?"

Woeaop Jan zeet: "Nê, mer mien zûster waal".

////////////////////////////////////

Ein wonjer

Ein medje steit veur de dokter. De dokter heet hum ongerzôcht en zeet: " Du kinst eder augenblik ein kindje kriegen".

Verbaesjt kiektj det mêdje hum aan en zeet: "Dokter ich bin nog noeat mêt eine jong oetgewêst". De dokter dreijt zich roew om, sjuuftj de gordienen op zie en kiektj nao de locht. Het mêdje kiektj verbaajt, en vreugjt: "Dokter woe kiektj ge hêr? Woe op de dokter antjwoordj: "Mie kindj, ongeveier twieedoezendj jaor geleje is det nog 's gebeurdj en toen kwaam der ein ster op in 't oeast. Det wil ich noe neet misse".

////////////////////////////////////


Wêrbericht

Volges de leste veurspellinge kônne we 't volgendje verwachte:

- Veel natigheid van binne,
 - 's Morgens verreke vanne dorst en mist inne kop,
 - Onger versjillendje naze ein dônker wolk,
 - Bie toeskômst kans op onwêr.
 - Bie blik inne portemenee kans op rêngelbuije
 - Veul zôn woea de raad en de borekepel bie zeen.
 - Nao 2 ore kans op eijer en schalebuije.
- ////////////////////////////////////


Aan 't strandj gehuortj.

Aafgeloupe zomer waas ter ein echtpaar aan 't strandj. Greet, de vrou, kiektj op ei gegêve moment van onger heur parasol nao eine jonge kêrel mit ein geweldjig sjoean figuur, dê heur verbieluiptj. Ziee kiektj 's nao det sjêmel figuur van der heure. Kueb, de nêve heur in eine strandjstool hingtj en den weer nao die enorm spierbel van dê jonge vent. Kueb zuut det allemaol en zeet e bietje lachendj: Greet kiek toch neet zoeaOze buurman heet auch ein garasj veur twee auto's.....en dao steit eine fiets in.



Echt gebeurdj!

Gê kintj allemaol waal in Wieert de beesterbrûk. Aafgeloupe zomer zote doa ins twee aoj menkes te vesse. Hoewaal ze allebei viefenzestig plussers wore , wore ze toch nog erg kwiek. In 't begin haje ze allein mer aandacht veur heure dobber. mer nao verloup van tied sjraveldje ze nao ein toe en begoste te kalle. Nao 't ein volgdje 't anger en op ein gegêve moment kwome ze oppe sex terecht. "Jè", zeet Jaak tege Frans "noe mosse 's ierlik zeen, duis tich ter noch get aan?" "Jao", zeet Frans "zeker doon ich der noch get aan" "Is det echt waor?", zeet Jaak met ein ongeluivig gezicht "Jao, jao, des waor", waas Frans zien antjwoordj. "Nou", zeet Jaak, "Ich zoøj 't auch nog 's ge r doon, mer 't geit neet mieer. "Det haaj ich auch", zeet Frans met ein glunderendj gezicht, "mer ich bin nao de dokter gewêstj en dê heet mich dao pilkes veur gegêve , en noee geit 't weer wie gesmeerdj". "Det moot den toch waal get prachtigs zeen", zeet Jaak met ein opklaorendj gezicht, terwiel der zich zelf in gedachte auch al weer aan 't werk zuut. "Jao", zeet Frans weer, en veultj in zien tes, "ich det dueske met die pilkes bie mich, ich zal ze dich 'ns laote kieke". Mer zoe as det geit met minse die heur emosies neet goot de baas kinne, Frans begos te ricere en per ongelûk veel der ein pilke inne knaal. Tegelijkertieed ging de Beesterbrûk omhoeag. Jaak de zuut det, kiek tj Frans aan met ein beteuterd gezicht en zeet: "Laot mer, die zeen te sterk veur mich".



Dich waal-ich neet

Sjeng kumtj Piet tegen en vreugtj: " Zoods dich get veule veur ein vrouw met krôm bein, ein kontj zoe dik as ein pêrd en ein gezicht as ein honderevot?" "Ich neet zeet Piet ich kiek, waal oet". Sjeng kiek tj hum aan en vreugtj: "O, woearom luip se den achter die van mich aan?"

